

Federacije Bosne i Hercegovine, na 64. sjednici, održanoj 28.07.2016. godine, donosi

UREDBU O UTVRĐIVANJU VLASTITIH PRIHODA, NAČINA I ROKOVA RASPODJELE

I. OPĆE ODREDBE

Član 1.

- (1) Ovom uredbom utvrđuju se vlastiti prihodi, način i rokovi raspodjele.
- (2) Odredbe ove uredbe odnose se na korisnike budžeta Federacije Bosne i Hercegovine (u daljem tekstu: Federacije), općina, gradova i vanbudžetske fondove (u daljem tekstu: korisnici budžeta).
- (3) Utvrđivanje vrste vlastitih prihoda i načina i rokova raspodjele korisnika budžeta kantona uredit će se kantonalnim propisima.

Član 2.

- (1) Pod vlastitim prihodima u smislu ove uredbe podrazumijevaju se prihodi koje korisnici budžeta ostvare obavljanjem osnovne djelatnosti i ostalih poslova na tržištu.
- (2) Pod vlastitim prihodima ne podrazumijevaju se prihodi koje korisnici budžeta ostvare obavljajući osnovnu djelatnost propisanu zakonima ili drugim propisima o osnivanju, za koju je propisima utvrđena visina naknade za usluge koje pružaju pravnim i fizičkim licima, kao ni prihodi ostvareni u internom poslovanju između korisnika budžeta na istom nivou vlasti.

Član 3.

- (1) Prihodi iz člana 2. stav (1) ove uredbe uplaćuju se na depozitne račune javnih prihoda budžeta u skladu s Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine ("Službene novine Federacije BiH", broj 33/16).
- (2) Gotovinske uplate po osnovu vlastitih prihoda evidentiraju se i uplaćuju na depozitni račun najkasnije sljedeći dan po prijemu uplate.
- (3) Način popunjavanja naloga za uplatu vezano za prikupljanje i evidentiranje vlastitih prihoda vrši se u skladu sa Uputstvom o izvršavanju budžeta s Jedinstvenog računa Trezora ("Službene novine Federacije BiH", broj 34/16).

II. NAČIN I ROKOVI RASPODJELE

Član 4.

- (1) Korisnik budžeta je dužan, na osnovu planiranih vlastitih prihoda, planirati i rashode koje će pokriti iz tih prihoda.
- (2) Vlastite prihode iz člana 2. stav (1) ove uredbe korisnik budžeta koristi za pokriće izdataka nastalih obavljanjem tih poslova, a ostatak za tekuće i kapitalne izdatke.
- (3) Vlastiti prihodi mogu se koristiti samo u toku fiskalne godine, a neutrošeni dio vlastitih prihoda postaje javni prihod budžeta.

Član 5.

- (1) Utvrđivanje vrste vlastitih prihoda, načina i rokova raspodjele detaljnije se uređuje Pravilnikom o vrsti vlastitih prihoda, načina i rokova raspodjele.
- (2) Pravilnik iz stava (1) ovog člana donosi svaki federalni korisnik budžeta na koji mišljenje daje Federalno ministarstvo finansija, a saglasnost Vlada Federacije BiH.
- (3) Korisnici budžeta općina i gradova donose Pravilnik iz stava (1) ovog člana, na koji mišljenje daje služba za finansije, a saglasnost općinski načelnik, odnosno gradonačelnik.
- (4) Vanbudžetski fondovi donose Pravilnik iz stava (1) ovog člana, na koji mišljenje daje služba za finansije.

Član 6.

Korisnici budžeta koji su osnovani za pružanje usluga smještaja, prehrane, proizvodnje i obavljanja sličnih poslova za određenu kategoriju korisnika tih usluga, ostvarene prihode u potpunosti koriste za pokriće ukupnih rashoda.

Član 7.

Obaveza za blagovremenu naplatu potraživanja po osnovu vlastitih prihoda, kao i poduzimanje svih mjera za njihovu realizaciju je na korisniku budžeta.

III. ZAVRŠNE ODREDBE

Član 8.

Korisnici budžeta u općinama i gradovima i vanbudžetski fondovi Pravilnik iz člana 5. ove uredbe dužni su donijeti u roku od 90 dana od dana uspostave trezora.

Član 9.

Danom stupanja na snagu ove uredbe prestaje da važi Uredba o utvrđivanju vlastitih prihoda i načina i rokova raspodjele ("Službene novine Federacije BiH", br. 11/07 i 73/07).

Član 10.

Ova uredba stupa na snagu osmog dana od dana objavljivanja u "Službenim novinama Federacije BiH".

V. broj 1535/2016
28. jula 2016. godine
Sarajevo

Premijer
Fadil Novalić, s. r.



1547

Na temelju članka 19. stavak (1) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), članka 252. stavak (3) Zakona o gospodarskim društvima ("Službene novine Federacije BiH", broj 81/15) i članka 11. alineja 5. Zakona o gospodarskim komorama u Federaciji Bosne i Hercegovine ("Službene novine Federacije BiH", br. 35/98 i 34/03), Vlada Federacije Bosne i Hercegovine, na 64. sjednici, održanoj 28.07.2016. godine, donosi

UREDBU O IZMJENAMA UREDBE O USAVRŠAVANJU PREDSJEDNIKA I ČLANOVA NADZORNIH ODBORA I UPRAVA GOSPODARSKIH DRUŠTAVA SA SUDJELOVANJEM DRŽAVNOG KAPITALA

Članak 1.

U Uredbi o usavršavanju predsjednika i članova nadzornih odbora i uprava gospodarskih društava sa sudjelovanjem državnog kapitala ("Službene novine Federacije BiH", br. 71/09, 33/10, 23/11, 83/11, 2/13, 80/13 i 48/15), u članku 9. stavak (1) mijenja se i glasi:

"Predsjednici i članovi nadzornih odbora i uprava gospodarskih društava sa sudjelovanjem državnog kapitala, čiji je mandat u toku i osoba koje su kandidati za izbor i imenovanje za predsjednike i članove nadzornih odbora i uprava gospodarskih društava sa sudjelovanjem državnog kapitala, u postupcima koji nisu okončani do dana stupanja na snagu ove uredbe, dužna su završiti usavršavanje do 30.06.2017. godine."

U stavku (2) broj "30.06.2016", zamjenjuje se brojem "30.06.2017.", a broj "15.07.2016." zamjenjuje se brojem "31.07.2017."

Članak 2.

Ova uredba stupa na snagu narednog dana od dana objave u "Službenim novinama Federacije BiH".

V. broj 1541/2016
28. srpnja 2016. godine
Sarajevo

Premijer
Fadil Novalić, v. r.